



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Quaestio 25. De libris da[m]natis in Extrauagan.

urn:nbn:de:hbz:466:1-13589

De libris dānatis in Extrauagāibus.

Vigesima quinta quæstio est. Libri hæreticales seu erronei, de quibus agitur in Extrauagāibus per Ecclesiam condemnati; qui sunt?

Ad hanc a respondemus, quòd in extrauagāibus nullus liber apparet, vt talis condemnatus, nisi in extrauagāti domini Ioānis Papa XXII. que incipit, *Quia vir reprobus*, in qua libelli qui dantur, quos contra constitutiones prædictas, cum inter, & Quia quorundam: de proprio & communi considerat, & ad studia generalia miserat, ac in valuis Ecclesiarum, & alijs locis affigi fecerat frater Michael de Casena hæreticus prædictus, dudum Generalis Minister ordinis fratrum Minorum, tanquam hæreticales cum suo auctore hæretico condemnantur.

COMMENT. I.

AD hanc respondemus, quod in Extrauagāibus nullus liber apparet, &c.) De hac quoque tractatione copiose egit auctor supra sub alijs terminis q. 8. sanctus Anconius in sum. p. 4. tit. x. c. 7. §. 5. & Turrecremata in summa de Ecclesia, lib. 4. parte 2. cap. 37.

Hæc autem extrauagānis incipiens, Quia vir reprobus cuius hic meminit Emericus, nondum est impressa, nec peruenit adhuc ad manus nostras.

Quantum vero attinet ad hunc Michaelum de Casena hæreticum, plenissime de eo egimus cum Emerico supra in hac 2. parte, qua §. 15. vnde quæstio hæc lumen declarationis accipiet.

QVAESTIO XXVI.

De libris damnatis à diuersis Romanis Pontificibus.

SUMMARIUM.

- 1 Libri Petri Ioannis damnati à Ioan. XXII.
- 2 Alexander III. damnauit lib. inscrip. Euangelium æternum.
- 3 Opuscula xx. Raymundi Lulli prohibita.
- 4 Litteræ Gregorij XI. de prohibitione dictorum librorum.

Vigesima sexta quæstio est. Libri hæreticales seu erronei, per diuersos summos Pontifices, de fratrum suorum consilio, post mortem illorum, qui libros huiusmodi ediderunt, damnati; qui sunt?

Ad hanc a respondemus, quòd dominus Ioannes Papa XXII. Aumione residens, informatus de peruersa doctrina fratris Petri Ioannis de ordine fratrum Minorum, cū magno consilio multorum in Theologia Magistrorum, & doctorum, condemnauit dicti fratris Petri Ioannis, de quo actum est supra, hos libros vt vere hæretica-

Ales, scilicet, postillam super Apocalypsim: postillam super Matthæum: postillam super Canonicas, propter errores contentos in eis, hæreses, que recitantur supra q. 9.

2 Ante prædictorum librorum condemnationem factam per prædictum dominum Ioanē XXII. dominus Alexander III. condemnauit librum appellatum, Euangelium æternum, propter hæreses & errores, quæ recitantur supra q. 9.

3 Post quem dominus Gregorius XI. condemnauit xx. volumina cuiusdam Raymundi Lulli, propter plures hæreses & errores, quæ recitantur supra q. 9. Libri autem condemnati & combusti per dominum Papam prædictum istu erant: Liber de philosophia amoris. liber de centum Dei nominibus. liber de contemplationum. liber de vii. arboribus, liber de Ecclesiasticis prouerbij. liber de confessione, contritione, satisfactione, & oratione. liber de orationibus. liber amari & amici. liber de benedicta tu. liber. de beata Maria. liber de articulis fidei. liber de doctrina puerili. liber de planctu Raymundi. liber de intentionibus. liber de arte amatiua. liber de tentatione. liber de oratione: & est alius à prædicto. liber de anima, liber sententiarum. liber apostolicum.

Prædicta autem viginti volumina sunt condemnata per Bullam domini Papæ Gregorij XI. tenoris sequentis.

4 Bulla Gregorij Papæ XI. qua condemnantur viginti volumina Raymundi Lulli, & cetera eiusdem opera interdicuntur.

Gregorius Episcopus seruus seruorum Dei, venerabilibus fratribus Archiepiscopo Tarracon. eiusque suffraganeis: Salutem & Apostolicam benedictionem.

Conseruationi puritatis catholicæ fidei, quam multi nequæ filij scelerati suis falsis assertionibus maculare nitentes, inter triticum purum agri Dominici pestiferū semē zizanix seminant, cum ad nostrum præcipue spectet officium, vt euellamus praua, et detruamus peruersa, prouidere salubriter, & animarum illaqueationibus obuiare cōfestim plenis desiderijs affectantes, opportuna in his, quæ possumus, remedia, studio pastoralis sollicitudinis adhibemus. Dum siquidem dilectus filius Nicolaus Emerici ordinis fratrum Prædicatorum professor, in sacra theologia magister, in regnis Aragoniæ, Valentix & Maioricarum Inquisitor hæreticæ prauitatis, nobis exposuit, se in regnis eisdem inuenisse viginti volumina diuersorum librorū, in vulgari scriptorum, à quodā Raymūdo Lullo ciue Maioricarum editorum, in quibus (vt ipsi In-